

CABAYITO DI SHON ALFREDO

H. Sixto (Motito) Croes

Dies nuebe sero nuebe [1909])

Cabayito a yega Aruba)

Promé den nos historia) 2x

Cabayito 'i Shon Alfredo.)

Refr. Cabayito, cabayito)

Cabayito 'i Shon Alfredo) 2x

Ban tur pa nos cor'é

Ban tur pa nos gos'é.

Cabayito, cabayito)

Cabayito 'i Shon Alfredo.) 2x

Nos a busca nos burico)

Pa nós por baha Playa)

Pa core cabayito) 2x

Cabayito 'i Shon Alfredo.)

E tempo ei n' ta' tin auto)

Nos a bai cu nos garoshi.)

Tur hoben y señorita) 2x

Pa core cabayito.)

ARUBA NOS TA STIMA

Maybelline Arends-Croes

Aruba ta un isla - den scochi di lama

C'un brisa agradabel y un solo tropical

Hende amabel y cariñoso)

A pone Aruba – bira famoso)

Mas di cincuenta,)

nacionalidad presente) 2x

Ta forma hunto un nacion.)

Aruba nos ta stima – un isla encantá

Cu orguyo nos ta traha, pa e por progresá

Sea stranhero of yiu di tera)

Ban pone semper – tur man na obra)

Pa nos por biba –) 2x

den union semper contento)

Bou guia di nos Creador.)